



Hondarribiko Udala

**HIRI ANTOLAMENDUKO PLAN
OROKORRAREN IZAPIDETZE BERRIA**

**HERRITARREN PARTE HARTZE
PROGRAMA**

2020ko Uztaila



HERRITARREN PARTE HARTZEKO PROGRAMA PLAN OROKORRAREN IZAPIDETZE BERRIAN

1. SARRERA

Hondarribiko Plan Orokorraren izapidetze eta onartzeko espedientea hastera doan honetan, hurrengo Herritarren Parte Hartzeko Programa aurkezten da, Programak Plan Orokorraren formulazio akordioarekin batera aurkeztu beharko da eta prozeduraren izapidetze osoan burutu beharko da bere behin betiko onespenera arte.

Lurzoruari eta Birgaitzeari buruzko Legearen Testu Bategina onartzen duen urriaren 30eko 7/2015 Legegintzako Errege Dekretuaren 5.e) artikuluan xedatzen denez, herritar guztiek dute eskubidea lurralde-antolamenduko edo hirigintza-antolamendu eta -exekuzioko edozein tresna prestatzeko eta onartzeko prozeduretan eta horien ingurumenebaluaizian benetan parte hartzeko, alegazioak, oharak, proposamenak, erreklamazioak eta keak eginez, eta Administrazioaren eskutik erantzun arrazoitua jasotzeko, Administrazio horren araubide juridikoa eta dagokion prozedura arautzen duen legeriaren arabera.

Herritarren Parte Hartzeko Programa behar saihestezina da, ekinaren 30eko Lurzoru eta Hirigintzaren Euskadiko 2/2006 Legeak horrela eskatzen duelako 108 artikuluan. Bertan zera adierazten da:

Egiturazko antolamenduaren plangintzako figura oro egiten, aldatzen edo berrikusten hasteko udal-erabakiarekin batera, herritarrek parte hartzeko programa finkatu beharko da. Programa hori udalerraren ezaugarrietan oinarrituko da, eta herritarrek eta elkarteek planaren taxuketan behar bezala parte har dezaten bermatzeko beharrezkoak diren helburuak, estrategiak eta mekanismoak jasoko ditu. Mekanismo horien artean honako hauek egongo dira:

- a) Jendaurreko bilkurak. Aurrerakinaren edukia azaltzeko egingo dira, batez ere hiria eraikitzeko erabaki estrategikoak eta erabaki horiei buruz espedientearen tramitazioan aurkeztutako alternatibak azaltzeko.*
- b) Udal barruko herri-kontsulta. Planean sartutako konturen bati buruz herritarren artean eztabaida larriak daudenean egingo da, toki-araubideari buruzko oinarritzko legerian finkatutako prozedurari jarraituta.*
- c) Zabalkunderako materiala. Hirigintza-tresnetarako legez eskatutako agiriekin batera prestatu beharko da, agiri horiek jendeak errazago ezagutu eta ulertu ditzan.*

Era berean, 46/2020 dekretuak, martxoaren 24koak, Lurralde-antolamenduko Planak eta Hirigintza-antolamenduko Tresnak Onartzeko Prozedurak Arautzen dituenak, Plan Orokorra izapidetzen denean herritarren parte hartzearen gaiari eutsi egiten dio, hurrengo ezarri 3. artikuluan:

1.- Lurralde- edo hirigintza-antolamenduko edozein figura formulatu, berrikusi edo aldatzeko hasierako erabakiarekin edo ebazpenarekin batera, parte hartzeko programa bat egin beharko da. Plan horretan, behar adina helburu, estrategia eta mekanismo ezarriko dira, herritarrek eta elkarteek parte hartzeko eskubidea izan dezaten.

2.- Herritarrek parte hartzeko delako programa oso-osorik argitaratuko da Euskal Herriko Agintaritzaren Aldizkarian edo dagokion lurralde historikoko aldizkarian; administrazio publiko sustatzailearen arabera; informazio-teknologia berrien bitartez hedatuko da, eta, parte hartzeko mekanismo hauek izango ditu, gutxienez:

- a) Parte hartzeko gida bat, herritarrek parte hartzeko prozesuaren jarraibideak eta edukiak ez ezik, xehetasunak ere deskribatuko dituena; horretaz gain, parte hartzeko abiapuntu gisa erabiliko diren edukien laburpena bilduko da gida horretan.*



Hondarribiko
Udala

b) Jendaurreko bilkurak, non azalduko baitira ekimenaren edukia eta espedientearen izapidetzearen aurkeztutako alternatiba posibleak.

c) Dibulgazio-materiala: legediak eskatutako dokumentuekin batera prestatu beharko da, dokumentu horiek hedatzen eta ulertzen laguntzeko.

Transkribatutako aginduak ez du zalantzetarako tokirik uzten, dugun egoeraren aurrean: Parte Hartze Programa beharrezkoa da, izan ere, udalerriko hirigintzako antolamendu guztia arautuko duen oinarritzko tresnaren aurrean gaude.

Azkenik, urriaren 1eko 39/2015 Legeak, Administrazio Publikoen Administrazio Prozedura Komuna, 133. artikuluan arautzen du herritarrek lege-mailako arauak eta erregelamenduak egiteko prozeduran izango duten parte-hartzea, eta ezartzen du ezen, legearen edo erregelamenduaren proiektua edo aurreproiektua egin aurretik, kontsulta publiko bat egingo dela administrazio eskudunaren web-atariaren bidez, non iritzia jasoko baita. Etorkizuneko arauak uki ditzakeen subjektuak eta erakunde ordezkagarriak

a) Ekimenaren bidez konpondu nahi diren arazoak.

b) Onartzea beharrezkoa eta egokia den.

c) Arauaren helburuak.

d) Izan litezkeen ordezkari konponbide erregulatzaileak eta ez-erregulatzaileak.

Kontsulta publiko hori egin beharko da arauaren hartzailerak izan daitezkeenek eta arauaren gaineko ekarpenak egiten dituztenek iritzia emateko aukera izan dezaten; horretarako, behar diren dokumentuak jarri beharko dira haien eskura, argiak eta zehatzak, eta gaiari buruzko iritzia eman ahal izateko behar den informazio guztia bildu beharko da



2. PARTE HARTZEAREN MUGAK

Hirigintza plangintzak, kolektibitatearen interesen antolaketan eragina izan dezakeen edozein plan edo arau bezala, erabaki politiko bat suposatzen du, eta erabaki honek, arrazoiz, ahal den adostasun handienarekin onartuta izatea behar du. Horregatik, legediak hiri-plangintzaren demokratizazioa aipatzen du, bera gauzatzeko bide aproposena bezala, bera egitea bere onarpenerako eskumena duen agintean soilik utzi gabe.

Herritarren parte-hartzea hirigintza aktibitate beraren printzipio bezala egituratzen da hirigintza zuzenbidearen barruan. Administrazioak du bere gain bera gauzatzeko betebeharra, bera gauzatu ahal izateko beharrezkoak diren bideak antolatuz.

Zentzu honetan, ordezkartzako demokraziaren osagarri bezala eratzten da, eta ez honen alternatiba gisa. Horrela izanda, ordezkartuek euren ordezkatzailleak kontrolatzeko sistema hobetzea ahalbideratzen du. Edonola ere, hirigintzaren demokratizazioak bere mugak ditu. Alde batetik, hiritarren esparruan, lurraldearen antolaketa eta erabilerari buruzko erabakiak hartzerakoan nagusitu behar diren irizpide eta estrategiak ulertzerako orduan bereganatu behar duen ardura. Beste alde batetik, Udalaren ahalmena hiritarrekin partekatzeo hirigintza arloak daukan erabakitzeko eskumena. Zentzu honetan, jurisprudentziak, zenbait epaitan, mugatu izan du parte-hartze eskubidea eta bere norainokoa. Izan ere, oso arrunta da hirigintza plangintza egiterakoan hiritarrek duten parte-hartze eskubidea Konstituzioaren (EK) 23.1 artikuluan hartutako oinarritzko eskubide bezala hartzea.

Horri buruz, merezi du uztailaren 17ko 119/1995 epaiaren paragrafo batzuk jasotzea. Ondorengoa dio:

Egia da jendaurreko erakustaldi izapidearen bitartez nolabaiteko legitimitate bat ematen zaiola hirigintza Planari (nahiz eta ezin ahaztu ere, kasu honetan, legitimitate demokratikoa demokratikoki hautatutako Udal batek onartuta izanagatik datorkiola), baina bere azken helburua ez da hautesleriari azken dei bat egitea aurretiaz hartutako erabaki bat berronesteko, ezta erabaki horren azken zentzua zehaztea, baizik eta, hobeto esanda, interesa izan dezaketen edo hala nahi dutenen pertsonak bultzatzea beraien iritzia adieraztera Administrazioarentzat baliagarria den informazio iturri gisa, era horretan, hartu beharreko neurriaren egokitasun edo apropostasuna ahalbideratzeko; baita ere ukituta suertatu daitezkeen banakako edo taldeko interesak defenditu ahal izateko bide bat ezarri. Interesdun pertsona edo taldeek akordioak hartzeko prozeduran parte hartu ahal izateko dei bat da.

Beraz, hirigintza legedian aurreikusitako hiritarren parte-hartzea, eman daitekeen era guztietan, boterearen jarduketa publikoa kontrolatzeko tresna bat da eta ez kontrabotere bat. Parte-hartzearen helburua administrazioari erabaki ahal izateko elementuak ematea da, baina erabakia halabeharrez eskumena duten organoei dagokie, nahiz eta hauek beti izan beharko dituzten kontutan alegazioak eta iradokizunak aztertu beharreko aukera bat gehiago bezala.



3. PARTE HARTZE PROGRAMAREN HELBURUAK

Euskadiko Lurzoruaren eta Hirigintzaren 2/2006 legeak, bere zioen azalpenean jada jasotzen du legearen helburuetako bat dela herritarren parte hartzeko eskubidea bermatzea, egiturazko planetan derrigorrezkoak diren parte hartze programaren figuraren eta hainbat udalerritan derrigorrezkoa den Planeamenduaren Kontseilu Aholkulariaren bidez.

Era berean, I. kapituluko II. Atalean araututako hirigintzaren printzipio orokorren artean herritarren parte hartzea jasotzen da, eta 8. Artikulua eskaintzen zaio, artikuluko 1. atalean zera adierazten da:
Hirigintzaren antolamendua egin, izapidetu, onartu eta egikaritzekoan, ahal den laguntza eta erraztasun guztia eskainiko da pertsona fisikoek eta juridikoek parte har dezaten parte hartzeko era guztien bidez; betiere, legean berariaz aurreikusita dauden pertsonen parte-hartzea bermatu beharko da

Horretaz gain, nabarmendu egin behar da “herritarren parte hartzeko” printzipioa (8. artikulua), eta harekin zerikusia duen baina ezberdina den “jendaurreko informazioaren” printzipioa bereizi egin direla. Honek esan nahi du parte hartzea ezin dela inolaz ere soilik jendaurrean erakuste eta informatze tramiteetara mugatu. Egiaz, parte hartzeak dagokion informazio zehatz eta zuzena jasotzea eskatzen du, baina, argi eta garbi, haien betebeharrak aski gaintitzen ditu.

Parte hartze programaren helburu nagusia da Herri Antolamenduko Plan Orokorren formulazio, izapidetze eta onartze fase ezberdinetan herritarren parte hartzeko tresnak uztartzea; eta, ez bakarrik legeak eskatzen dituenak edo formalki bete behar direnak, baizik eta parte hartze eraginkorra bermatzen duten tresna aktibo eta dinamikoak ere.

Diseinaturiko parte hartze prozesuaren azken helburua da, gizarte esperientziaren ezagutza eta ezagutza tekniko-administratiboa batuz, Plan Orokor berria guztion dokumentua izatea lortzea.

Parte-hartze prozeduraren antolaketaren bitartez, helburu zehatz batzuk lortu nahi dira, hauen artean:

- Hirigintzako dokumentuaren berri ematea bere fase ezberdinetan, parte-hartzea erabat lotuta baitago Planaren egikaritzaren ezagupen publikoari.
- Plana ezagutu eta berari buruzko informazioa jasotzeko herritarren eskubidea erraztu.
- Plan Orokorra egiterakoan eta tramitatzekoan herritarrek duten parte-hartze eskubidea sustatu, horretarako beharrezkoak diren partikularren, Udalaren eta Plan Orokorreko erredaktore-taldearen arteko informazio fluxuak ahalbideratzeko erak ezarriz.
- Neurri handi batean teknikoak den dokumentua herritarrentzat eskuragarri eta ulertzeko erraz egitea.
- Herritarrek hirigintza arloak izan ditzaketen asmoak, kezak eta ardurak bideratzea.
- Aukera ematea herritarrei plangintzaren prozeduran parte hartzeko, beraien iritsia emanaz bai Plan Orokorren proposatutako lurraldearen okupazioari buruz, eta baita ere antolaketa eremu ezberdinei ukitzen dien proposamen eta neurri zehatzei buruz.
- Era xehatuan, parte-hartze prozedurak sustatzeko beharri buruzko lege-agindua bete.
- Era berean, Herritarren parte-hartze Programak helburu bezala dauka indarreko legedian dokumentuaren publizitateari buruz aurreikusitako tresna eta neurri zehatzei buruzko tresna eta neurriak betetzea (jendaurreko erakustaldi, iradokizun eta alegazio izapideak).
- Indarreko legediaren agindu zehatzak bete, esateko, hirigintza plana baliabide telematikoen bitartez argitaratzeko.



4. PARTE HARTZEKO ESTRATEGIAK

4.1. Parte hartzeko estrategia zehatzak

Aipatutako helburuak estrategia orokor bati lotuta daude, hau da, hiritar, eragile eta erakundeen gehiena inplikatzeko Plan Orokorren izapidetzean. Horren ondorioz, estrategia zehatz hauek jarraitu nahi dira:

- Dokumentuaren idazketa eta asmaketa lehen faseetatik eskumena duten Lurralde-administrazioak tartean sartu. Era berean, ukituta suertatu daitezkeen eskumendun beste herri-administrazioei entzunaldia eman. Honek eragina izaten du beti tramitazio arinago batean bere behin betiko onarpen ordurako.
- Herritarrak ahaldundu, bai bere forma asoziatiboan, baita orokorrean ere, eta bereziki, arreta erabaki zentroetatik tradizioz urrundu izan diren herritarren multzoetan jarriz, genero, gizarte-maila edo gizarte-bazterketa egoerak direla medio. Ahalduntzeko estrategia iritzi hartu-emanetarako espazioak sortu, eta hirigintza bezalako teknikoki konplexua den gai batean herritarrak trebatzea da, horrela herritarren nahia eta kezken informazio zehatza lortu ahal izateko.
- Hirigintza-kultura sustatu udalerriko auzokideen artean, era horretan lege-hauste eta hirigintza diziplina urraketa egoerak saihestu eta zuzentzeko. Zabaldu nahi da hiritarren artean lurraldearen erabilera eta eraikuntza eskubideari buruzko arauak ezarri eta errespetatzeko beharra, gizarte-bizikidetzak eta bere inguru naturalarekiko hiritarren harremana hobetzeko tresna bezala.
- Adostasun maila handia lortu, ez bakarrik hiritarren artean, baita ere politiko eta erakundeen artean; alde batetik, Udal barruan bertan, osoko bilkuran dauden aukera politikoaren artean; beste alde batetik, dokumentuaren idazketa prozeduran zehar eskumena izan dezaketen Aldundi eta Eusko Jaurlaritzaren sail ezberdinetako teknikariek.
- Parte hartzean gardentasun maila altua lortzea, informazio publikoaren kontzeptutik haratago joanez, ITTak erabiliz informazio foro eta iritzi hartu-eman eraginkorrak lortuz, eta parte hartzea bermatuz, baita aparteko gizarte-egoeretan ere, gertatu den alarma egoera esaterako.

4.2. Parte Hartze Prozesuaren eremuak

Parte hartze prozesu batek aurre hartu behar duen erronketako bat da jasotako informazioa edukiontzia logikoetan egituratzea, eta, hori baino gehiago, informazio zehatza jaso dezaketen tresnak diseinatzea, horiek hirigintzaren diseinuaren funtseko oinarri izan daitezkeen. Horretarako, hiri eta gizarte errealitatea “eremu” izena eman zaien hainbat ataletan banatzea erabaki da. Eremu horiek ikuspuntu sektorialetatik hiriko gaian aztertzerakoan gida gisa erabili daitezke, elkarren artean baztertzailak izan ezik elkarren arteko osagarriak izanda.

4.2.1. Hiriaren lurralde eta hiri-ereduaren eremua

Eremu honetan ezartzen dira jarduketako ekonomiko eta etxebizitza politika publiko, hiri-erresilientzia eta, orokorrean, hiriaren beste eragile urbano eta ekonomikoaren aurrean harreman iraunkorra duen elementu gisa hartzen duten ikuspegi estrategikoen inguruko iritzi eta eztabaidak hartzen dira.

4.2.2. Mugikortasun eta irisgarritasun eremuak

Eremu honetan hiri-mugikortasuna, mugikortasun publiko eta pribatu arteko eskaintza eta demandaren arteko oreka, sektoreari eragiten dioten aldaketa klimatikora egokitzeko neurriak, intermodalitatea eta oinezko nahiz bizikleten mugikortasunaren inguruko iritzi eta eztabaidak hartzen dira. Gainera, eremu honetan hiri-erabilgarritasun eta irisgarritasun unibertsal kontzeptuak garrantzia berezia izango dute.

4.2.3. Hiriaren atsegina egiteko eremua

Eremu honetan hiriaren gizarte-ikuspegiko inguruko iritzi eta eztabaidak hartzen dira, kontuan hartuz orokorrean erabakiak hartzeko prozesuetan ahaztu egiten diren kolektiboak, populazio atalak edo kolektiboak. Horrela, hiri diseinuan genero perspektiba kontuan hartzen da, baita erreproduktzio eta



Hondarribiko
Udala

zaintza jarduketan inguruan orbitatzen duten kolektiboak. Era berean, haurren ikuspuntua ere kontuan hartzen da, haurrekin atsegina den hiri batek gizarte justu eta demokratiko bat lortuko duela oinarri hartuta. EAKaren garapen demografikoa kontuan izanda, beste ikuspuntu garrantzitsu bat hirugarrengo adinekoen ikuspuntua izango da.



5. PARTE HARTZEKO TRESNEN DESKRIBAPENA

5.1. PARTE HARTZEKO GIDA

5.1.1. Herritarrek parte hartzeko prozesuaren jarraibideak eta edukiak

FASEA	INFORMAZIOA	PARTE HARTZEA	BERRIKUSTEA
1. PLAN OROKORRAREN IZAPIDETZE BERRIA ADOSTEA ETA PARTE HARTZE PROGRAMA HASTEA	- Informazio hitzaldia I: Zer da HAPOa? Zer da herritarren parte-hartze programa? Zergatik da garrantzitsua eta nola parte hartu?	- Talde elkarrizketa I: Iritzi talde kualifikatua Hiriaren lurralde eta hiri-ereduaren eremua. - Talde elkarrizketa II: Iritzi talde kualifikatua Mugikortasun eta irisgarritasun eremuak. - Talde elkarrizketa III: Hiria atsegina egiteko eremua	
		- Aurretiazko herritarrekin hitzaldiak I: Hiriaren lurralde eta hiri-ereduaren eremuan nabarmenak diren pertsonak - Aurretiazko herritarrekin hitzaldiak I: Mugikortasun eta irisgarritasun eremuan nabarmenak diren pertsonak - Aurretiazko herritarrekin hitzaldiak III: Hiria atsegina egiteko eremuan nabarmenak diren pertsonak.	
	Webean mini-sitea argitaratu (udal web orriko toki barruko web orria) ondokoa azaltzeko dokumentazioa: HAPO bat zertan datzan, zein den bera egiteko eta onartzeko prozedura.	- Inkesta orokorra udalaren webgunea bidez.	
		- Iradokizunen buzoia (abian jarri) Gutxienez hiru buzoi fisiko sortu eta kudeatuko dira, udal bulegoetan (BAZ,	



		liburutegia, etab.) era beran, buzoi birtuala ere jarriko da. Prozesu osoan zehar mantenduko da, berezko sarrera erregistroa eramaten delarik.		
		- E-mail bat eta whatsapp/telegram bat etengabe irekia (abian jarri) Prozesu osoan zehar mantenduko da, berezko sarrera erregistroa eramaten delarik.		
I txostena: FORMULAZIO FASEKO PARTE HARTZE TXOSTENA				
2. AURRERAKINA	- Hirigintza-informazioko dokumentua Udala webgunean eskuragarri eduki.	-SSk etengabe eguneratuko dira. (Gutxienez 15 egunetik behin, ekitaldiak edo guneetan errefortzua).	- Informazio hitzaldia II: Formulazio fasean parte hartzearen inguruko txostenaren erakusketa publikoa, informazio puntu fisikoan aurkeztea.	
	- Liburuxka-triptikoa zabaldu / Informazio panelak	- E-mail bat eta whatsapp/telegram bat etengabe irekia.		
	- Gune fisiko eta zentriko bat eratu jendaurrean erakusten den aurrerakina azaldu eta hiritarren iradokizunak jasotzeko ardura duen pertsona batekin. Gazteleraz eta euskarazko gaitasuna duen arkitekto edota lege-aholkulari bat izango du	- Formakuntza ekitaldia I: Hiriaren lurralde eta hiri-ereduaren eremuan lan tailerra herritarrekin. - Formakuntza ekitaldia I: Mugikortasun eta irisgarritasun eremuan lan tailerra herritarrekin. - Formakuntza ekitaldia III: Hiria atsegina egiteko eremuan lan tailerra herritarrekin.	Informazio hitzaldia III: Aurrerakinaren jendaurreko erakustaldia.	
	- Sintesi dokumentua eta laburpen exekutiboa			
	-Argitaratzea prentsan		- Hiritarrari arreta banakatuko zerbitzua.	
	- Aurrerakin dokumentua Udala webgunean eskuragarri eduki.		- Banakako erantzuna jendaurreko erakustaldian.	
	II Txostena: AURRERAKIN FASEKO PARTE HARTZE TXOSTENA			



3. IRIZPIDE ETA HELBURUAK	- Hirigintza-informazioko dokumentua Udal webgunean eskuragarri eduki.	-SSk etengabe eguneratuko dira. (Gutxienez 15 egunetik behin, ekitaldiak edo guneetan errefortzua).	
		Kontraste tailerra I: Lantzaioa, bertan Planaren edukian sakonki landuko da.	
4. HASIERAKO ONESPENERAKO PLAN OROKORREKO DOKUMENTUA	- Liburuxka-triptikoa zabaldu / Informazio panelak	- Iradokizunen buzoia.	
	- Informazio hitzaldia IV: Herritarrei egindako prozesuaren inguruko informazioa eguneratu eta hasierako dokumentuari buruzko hitzaldi-erakusketa	- E-mail bat eta whatsapp/telegram bat etengabe irekia	
	- Hasierako onarpeneko dokumentua Udal webgunean eskuragarri eduki	-SSk etengabe eguneratuko dira. (Gutxienez 15 egunetik behin, ekitaldiak edo guneetan errefortzua).	
	- Sintesi dokumentua eta laburpen exekutiboa		- Informazio hitzaldia V: hasierako dokumentuari buruzko hitzaldi-erakusketa
	- Argitaratzea prentsan		- Hiritarrari arreta banakatuko zerbitzua.
			- Banakako erantzuna jendaurreko erakustaldian.
	Txostena III: INFORME FINAL PARTICIPACIÓN CIUDADANA		
5. BEHIN-BEINEKO ONESPENA	- Behin-behineko onarpeneko dokumentua Udal webgunean eskuragarri eduki	-SSk etengabe eguneratuko dira. (Gutxienez 15 egunetik behin, ekitaldiak edo guneetan errefortzua).	
6. BEHIN BETIKO ONESPENA	- Behin betiko onarpeneko dokumentua Udal webgunean eskuragarri eduki	-SSk etengabe eguneratuko dira. (Gutxienez 15 egunetik behin, ekitaldiak edo guneetan errefortzua).	
	- Argitaratzea prentsan		



5.2. PARTE HARTZE TRESEN DESKRIBAPENA

5.2.1. ELKARRIZKETAK

Elkarrizketak herritarren edo jarduketan atal baten ezagutza sakona lortzeko egingo dira, atal horren adierazgarri den pertsona bat aukeratuz, bai merituengatik, bai eremu horren ezagutza duelako edo baita jorratu nahi den gaiaren adierazle delako.

Elkarrizketak taldean egin daitezke (gutxienez ikertzen ari den eremuko 5 pertsona bilduko dira), edo banaka. Okertzen ari den gaiak horrela eskatuko balu, parte hartze bisita egin daiteke elkarrizketaren ordean (nagusiki toki baten inguruko informazioa lortu nahi denean, adibidez, mugikortasun mugatua duten pertsonen ikuspuntutik hiri diseinuaren analisia egin nahi denean).

5.2.2. JENDAURREKO BILKURAK

Bi motatako bilkurak aurreikusten dira:

5.2.2.1 Informazio Bilkurak

Prestakuntza saio bakoitza era autonomoan asmatu behar da, ondoko kontzeptuak jarraituz:

-Joango diren pertsona / kolektibo-taldeak: aurreko gaitasunak, ezagutza teknikoak, izan daitezkeen gatazkak.

-Saioaren helburua: Kolektibo-talde horrengandik espero daitezkeen itzulkina, bai txosten bat, bai iradokizun edo alegazio sorta bat...

5.2.1.2. Prestakuntza Saioak eta/ edo tailerrak

Gai edo arlo zehatz bati buruzko saioak dira, Planaren ardatz nagusiak eztabaidatu eta aztertzeko. Arlo bakoitzeko foroak eratuko lirateke (etxebizitza, jarduera ekonomikoa, mugikortasuna, hiri-kalitatea, lurraldea, ingurumena, genero perspektiba, euskera, etab.).

Erabilitako dinamika parte hartzen dutenen informazio harremanetan oinarritzen dira, alternatibak aurkezte eta adostasunak lortzen saiatzean. Honekin lortu nahi dena herritarren partehartze aktibo bat da.

5.2.2. DOKUMENTUAREN ERAKUSKETA PUBLIKOA

Legeak aurreikusitako uneekin bat etorritik jendaurreko erakustaldiak egitea proposatzen da.

Horrek herritarrei (HAPO) Hiri Antolamenduko Plan Orokorren izapidetze berriaren edukiak zuzenean ezagutzea ahalbidetuko die.

Erakusketan pertsonal aditua izango dira proiektuaren inguruan sortutako zalantzak argitu eta izapidetze berriaren garapenari buruzko edozein informazio emateko.



5.3. GARDENTASUN ETA KOMUNIKAZIO TRESNEN DESKRIBAPENA (Dibulgazio materiala)

5.3.1. Web Orria

Beste parte hartze prozesuetan egin den bezala, mini-site bat sortuko da, www.hondarribia.eus tokian; bertan herritarrentzako beharrezkoa den informazio guztia pilatuko da. Interneten erabilera euskarri mugikor eta telefono bidez zabaldu dela kontuan harturik, informazioa web tokiarekin atseginago izango den formatu txikiko dokumentuak (10Mb baino gutxiago) sortuko dira, informazioa era trinkoan eskainiko da.

5.3.2. Iradokizun buzoia

Gutxienez hiru buzoi fisiko sortzea planteatzen da, udalerriko toki ezberdinetan kokatuko direnak eta jasotako ekarpenen erregistroa eramango da.

5.3.3. Posta elektronikoa / Telegram / Harremanetarako Whatsapp

XXI. mendeko teknologia berrien erabilera orokorra bihurtu dela ikusirik, dauden parte hartze tresnak eguneratzeko, prozesuari berezko posta elektronikoa, Telegram kanala eta Whatsapp zenbakia emango zaizkio. Horiek herritarrekin komunikatzeko modu gisa erabiliko dira (aipatu den buzoia osagarri izango dira).

5.3.4. Panelak edo plantxak

Udalerriko biztanleri orori zuzendua dago eta udalerriko Plan Orokorra ulergarriago egitera zuzendua dago. Plantxa hauen asmoa da Plan Orokorraren idazketa eta tramitazio prozedura hurbiltzea herritarrei, hauek bera ulertu ahal izateko eta bereganatzeko propio bezala udalerriarrentzat aproposena den hiri ereduaren zehaztapena.

Plantxa hauen bidez oinarritzko datuak ezagutu daitezke, hauen artean, Planaren elaboratze-faseak eta, garrantzitsuago oraindik, zeintzuk dira PARTE-HARTZEAREN une erabakigarriak, bere maila ezberdinetan, Plana aurrera doan adina.

5.3.5. Triptikoak

Triptikoen helburu eta edukia panelen antzekoa da, dokumentuan proposatzen diren jarduketak laburbilduz, eta proposamen horietarako kontsideratu diren arrazoiak jasoz. Era berean, informazio grafiko ulerterraza izango du.

5.3.6. Laburpen exekutiboa

Dokumentuaren eskuragarritasuna eta ulerpenera errazteko, batez ere argitaratze eta jendaurreko erakustaldi uneetan, Planaren laburpen exekutibo bat egingo da (2/2006 Legearen garapenerako Premiazko Neuriei buruzko ekainaren 3ko 105/2008 Dekretuaren 32. artikulua), erabat laburbildutakoa. Bere asmoa dokumentuaren ulerpenerako aldi berean eraginkor, simple eta azkarra den laburpen bat ematea da. Beraz, ez da izango dokumentu luze bat eta trinkotu ahal izango da, esateko, dibulgaziozko liburuxka batean. Lortu nahi dena zera da: Planak garatutako ideia eta irizpideak sistematizatzea eta planteatutako guztiaren ikuspegi orokor bat ematea.



Hondarribiko
Udala

**6. LARRIALDI SANITARIO BERRI BATEN AURREAN AURREIKUSITAKO OIZ
KANPOKO NEURRIAK**

COVID-19ak eragindako alarma egoeran gertatutakoen aurrean, izan litekeen konfinamendu berri baten aurrean aurreikuspen bat egitea egokia dela iristen da. Horregatik, bermatzen da formakuntza saio, hitzaldi eta tailerrak, kasu horretan antzeko eran burutuko direla, baliabide telematikoak erabiliz, ZOOM, JITSI, MEET edo antzeko plataformak baliatuz. Youtubeko kanal bat irekitzea ere baloratuko da, bertan ikus-entzuteko ale txikiak jarriko lirateke (gutxienez bat fase bakoitzeko), fase bakoitza azalduz, dokumentu dibulgetzaile gisa.